



Concello de Lugo

**CONVENIO DE COLABORACIÓN ENTRE O EXCMO. CONCELLO DE LUGO E A ASOCIACIÓN PROTECTORA DE GATOS DA RÚA MICHOS DE LUGO PARA A CONCESIÓN DE SUBVENCIÓN COA FINALIDADE DE FINANCIAR PARCIALMENTE O “PROXECTO PARA FAVORECER O CONTROL SANITARIO DOS GATOS EN COLONIAS URBANAS NO TERMO MUNICIPAL DE LUGO PARA O ANO 2020”.**

Na Casa do Concello de Lugo, a 29 de decembro de 2020.

**REUNIDOS**

Dunha banda, dona Mercedes Paula Alvarellos Fondo, con DNI núm. 32753909-T, actuando en nome e representación do Excmo. Concello de Lugo, en virtude da súa condición de Ilma. Tenenta de Alcaldesa Delegada da Área de Gobernanza: Economía e Recursos Humanos e en suplencia do Ilmo. Tenente de Alcaldesa Delegado da Área de Desenvolvemento Local Sostible.

E doutra banda, dona Elvira A. Díaz Vizcaino, con DNI núm. 33.823.756-W, na súa calidade de representante legal da “ASOCIACIÓN PROTECTORA DE GATOS DA RÚA MICHOS DE LUGO”, con NIF G-27.515.931, e con domicilio social na Ronda das Fontiñas nº 278-5ºF, C.P. 27002, Lugo.

Interveñen en función dos seus respectivos cargos e no exercicio das facultades que para convir en nome das entidades que representan teñen conferidas e

**MANIFESTAN**

I.- Que o Concello de Lugo, de acordo co previsto na Lei 38/2003, de 17 de novembro, xeral de subvencións, na Lei 9/2007, de 13 de xuño, de subvencións de Galicia e na Ordenanza Xeral Municipal reguladora da concesión de subvencións pode conceder de forma directa as subvencións previstas nominativamente no Orzamento Xeral municipal.

II.- Que o artigo 6 da Lei 4/2017, de 3 de outubro, de protección e benestar dos animais de compañía en Galicia atribúe á Alcaldía a responsabilidade superior na defensa e protección dos animais incluídos no ámbito de aplicación da dita Lei no termo municipal de Lugo.

III.- Que a Asociación Protectora de Gatos da Rúa Michos de Lugo é unha asociación sen ánimo de lucro, legalmente constituída e inscrita no Rexistro Galego de Asociacións, cuxo principal fin é a protección e defensa dos animais domésticos.

IV. Que a Asociación Protectora de Gatos da Rúa Michos de Lugo ven desenvolvendo un "Proxecto para favorecer o control sanitario dos gatos en colonias urbanas no termo municipal de Lugo para o ano 2020" que o Concello considera de marcado interese municipal.

Por todo o exposto as partes comparecentes, na representación que ostentan,

#### ACORDAN

Subscrebir un convenio de colaboración para a financiación parcial do **"PROXECTO PARA FAVORECER O CONTROL SANITARIO DOS GATOS EN COLONIAS URBANAS NO TERMO MUNICIPAL DE LUGO PARA O ANO 2020"** con suxección as seguintes:

#### CLÁUSULAS

##### PRIMEIRA.- Obxecto.

Este convenio ten por obxecto a concesión dunha subvención por parte do Concello de Lugo á Asociación Protectora de Gatos da Rúa Michos de Lugo para o financiamento parcial do "Proxecto para favorecer o control sanitario dos gatos en colonias urbanas no termo municipal de Lugo para o ano 2020", por entender que estas actividades complementan as obrigas do Concello previstas na Lei 4/2017, de 3 de outubro, de protección e benestar dos animais de compañía en Galicia.



##### SEGUNDA.- Compromisos das partes.

###### 2.1.- O Concello de Lugo comprométense a:

2.1.1 Achegar a cantidade de 15.000 euros para o financiamento parcial dos servizos obxecto deste Convenio.

2.2.- A Asociación Protectora de Gatos da Rúa Michos de Lugo comprométense:

2.2.1. O control sanitario dos gatos en colonias urbanas, capturándoo, esterilizándoo e posteriormente realizándolle os tratamentos sanitarios oportunos, retornándoo finalmente ao seu espazo orixinal.

2.2.2. Disminuir o número de individuos dunha colonia á vez que se controlan sanitariamente, coa previsión, deste xeito, de situacións de insalubridade.

2.2.3. Contar cun rexistro de persoas voluntarias alimentadoras de colonias.





2.2.4. Colaborar co Excmo. Concello de Lugo na elaboración dun rexistro de colonias felinas

2.2.4. Colaborar facilitando alimentos coas persoas alimentadoras de colonias inscritas no seu rexistro e en función das posibilidades.

2.2.5. Dispoñer, de considerarse necesario, material de habitabilidade, salubridade en colonias tratadas, tales como casetas, areeiros ou elementos para a alimentación e benestar das colonias.

2.2.5. Desenvolver iniciativas de concienciación e/ou divulgación da actividade.

2.2.6. A incorporar a língua galega nas súas comunicacóns de carácter escrito (páxinas web, comunicados de prensa e demás publicacións).

2.2.7. A lucir o logotipo do Concello de Lugo nas actuacións que se desenvolvan ao abeiro deste convenio.

2.2.8. A cumplir coas obrigas establecidas no artigo 11 da Ordenanza Xeral Municipal de Subvencións.

#### **TERCEIRA.- Crédito presupuestario.**

Para a realización das actuacións sinaladas na cláusula anterior o Concello de Lugo achegará do orzamento municipal para o ano 2020 a cantidade de QUINCE MIL EUROS con cargo á na partida orzamentaria 1700 48900, RC. 00115224/20 do vixente orzamento municipal.



#### **CUARTA.- Gastos subvencionables e prazo de realización.**

Considéranse gastos subvencionables aqueles que de maneira indubitada responden á natureza da actividade subvencionada e, en todo caso, os gastos de funcionamento por operacións correntes, dentro dos fins de benestar animal que persegue esta institución, e se realicen dende o día 1 de xaneiro de 2020 e con anterioridade á finalización do período de xustificación.

En particular serán admitidos como tales os derivados das actividades propias da Asociación Protectora de Gatos da Rúa Michos de Lugo ou da realización do proxecto ou actividade concreta, acordo coa documentación achegada, como poden ser: nóminas, desprazamentos acreditados mediante factura, aloxamentos, manutención, material cultural non inventariable, publicidade, gastos por suministros ou servizos e calquera outro gasto relacionado co obxecto estricto da subvención.

O prazo de realización da actividade será o do exercicio 2020 e terá a consideración de gastos subvencionables únicamente aqueles que tiveran sido aboados dentro do prazo de vixencia do convenio e en todo caso dentro do ano natural. Excepcionalmente, por causas da data de devengo, poderán aceptarse

*[Handwritten signature]*

como subvencionables aqueles gastos que non cumpriran co anterior pero que figuren como aboados no momento de remisión a Intervención da documentación xustificativa da subvención, aos efectos da súa fiscalización.

En todo caso non serán subvencionables os gastos nos que non se xustifique axeitadamente a vinculación directa coa actividade ou proxecto obxecto de subvención, o material inventariable, as celebracións, eventos ou actos protocolarios non directamente vinculados coa actividade ou proxecto subvencionado.

Serán admisibles as lóxicas subcontratacóns para a realización das actividades que se desenvolvan ao longo do ano no que se realiza o proxecto ata a totalidade do custo da actividade subvencionada, todo elo tendo en conta o sinalado nos artigos 29 da Lei xeral de subvencións. Cando o importe do gasto subvencionable supere as contías establecidas na normativa de contratos do sector público para o contrato menor, o beneficiario deberá solicitar como mínimo tres ofertas de diferentes proveedores debendo acreditar tal extremo no intre de xustificar a subvención.

## **QUINTA.- Execución do convenio e pagamento da subvención.**

Con carácter xeral non se asumen pagos anticipados podendo o beneficiario acadar o finanzamento necesario polos medios que crea convenientes para o desenrollo da actividade. Cando xustificadamente, polo volume económico da actividade subvencionada se proceda á realización dun pago anticipado, será condición obligatoria que o beneficiario aporte garantía pola totalidade da contía do dito pago con anterioridade á efectividade do mesmo, por calquera dos medios previstos na Lei 108.1 da Lei 9/2017 de contratos do sector público.

Esta subvención é compatible con calquera outra que poida acadar o beneficiario, ata completar o custo da actividade.

O pagamento da subvención realizarase mediante transferencia bancaria á conta facilitada pola Asociación Protectora de Gatos da Rúa Michos de Lugo.

O prazo máximo de pagamento será de trinta días a contar dende a contabilización da resolución pola que se produza o recoñecemento da obriga coa aprobación da conta xustificativa presentada, agás circunstancias extraordinarias que deberán acreditarse no expediente e que poidan xustificar a ampliación deste prazo.





Concello de Lugo

## SEXTA.- Xustificación da subvención

Concedida a subvención, e para proceder ao seu cobro, a Asociación Protectora de Gatos da Rúa Michos de Lugo deberá presentar no **Registro Xeral do Concello** dirixido ao Servizo de Medio Ambiente a seguinte documentación acreditativa da realización do antedito programa.

a) Memoria explicativa e detallada da realización do proxecto, coa expresa mención dos resultados obtidos. Deberá acompañar, se é o caso, exemplar de cada un dos folletos, carteis, libros, fotos, etc. que se editasen ou publicasen co gallo da actividade subvencionada. No caso de que se xustifique a través de facturas de gastos de desprazamento/aloxamento deberán especificarse os usuarios, motivo e lugar e no caso de que se xustifique a través de gastos de combustible deberá acreditarse a relación coa actividade subvencionada e co beneficiario da subvención.

b) Facturas e demás documentos de valor probatorio de conformidade coas bases de execución do presupuesto e R.D 1619/2012, do 30 de novembro, que se presentarán en documento orixinal, ou no caso de non ser documento orixinal, éste deberá ser estampillado coa expresión "*esta factura foi utilizada para xustificación dunha subvención concedida polo Concello de Lugo*" e posterior incorporación dunha fotocopia ao expediente. Presentarase ademáis declaración xurada expresiva de que as mesmas non foron, nin serán presentadas como xustificación de ninguna outra subvención pública ou privada.

As facturas deberán conter un desglose dos artigos subministrados, servizos prestados incluíndo os prezos descompostos. Deberá acreditarse o pagamento da totalidade das facturas mediante os seguintes medios:

b.1) Resgado do banco da orde de transferencia ou da notificación de domiciliación realizada ou extracto da conta corrente no que figure o cargo da transferencia realizada selada pola entidade financeira.

b.2) Copia do cheque emitido a nome do proveedor que emite a factura.

b.3) Excepcionalmente, para importes inferiores a 300 euros e sempre que non se trate de gastos de persoal, recibo onde consten o térmico "recibín en efectivo", o nome, DNI, sinatura e sello do cobrador; a identificación da factura á que corresponde e a súa data e a data de cobro. Admitiranse os "tiques de caixa" para importes inferiores a 50 euros.

b.4) Documento acreditativo do pagamento con tarxeta, que haberá de ser de débito e estar obligatoriamente a nome da entidade e non de calquera persoa física, integrante ou non da mesma.



b.5) O pagamento dos gastos de Seguridade Social xustificarase co recibo de Liquidación de Cotizáisons TC1 co sello de caixa e certificación mecánica ou ben comprobante bancario que acredite o pagamento. O ingreso das retencións de IRPF xustifícase co modelo 111 co sello de caixa ou certificación mecánica se se paga por portelo ou ben comprobante bancario que acredite o pagamento. Asemade deberase xuntar o modelo 190 co resumo anual do IRPF de telo disponible no momento da justificación.

No caso de pagamento de facturas de máis de 2.500 euros únicamente se aceptará o pagamento realizado a través do método sinalado no apartado b.1) anterior.

No caso de recibos a nomes de persoas ou otros documentos de valor probatorio deberán vir acompañados da acreditación documental dos preceptos, das cantidades e dos servizos ou traballos realizados, igualmente deberán acompañarse de ser posible das actas, publicacións ou similares xustificativas das cantidades satisfeitas e preceptores das mesmas. Estas contías que en todo caso non deberán superar os 300 euros, deberán acreditar a práctica da retención do IRPF que resulte procedente, salvo que xustificadamente se acredite a súa innecesariade coma nos casos de contías satisfeitas para indemnizar dos gastos ocasionados por realización de tarefas coma voluntariado.

c) Declaración xurada de que a realización da actividade, proxecto, obxectivo, programa ou adopción do comportamento se efectúe nos termos establecidos na memoria presentada.

d) Declaración xurada de que todos os gastos presentados como xustificación se abonaron efectivamente.

e) Declaración de que os impostos indirectos devindicados (IVE) non teñen a condición de recuperabilidade ou compensatoriedade. En caso contrario só poderán admitirse como gastos xustificados a parte da base imponible.

Os documentos presentados no caso de non seren orixinais, deberán ser validados e estampillados nas oficinas municipais de Medio Ambiente, xestoras do expediente administrativo, cun sello existente para o efecto, no que conste que a factura ou documento se aplica á xustificación da subvención ou convenio concreto, coa indicación da porcentaxe a aplicar ao presente convenio. A indicación desta porcentaxe non será precisa no caso de imputar a totalidade da factura á xustificación da subvención.

A data límite para xustificar a totalidade da subvención será a do **30 de decembro de 2020** e deberá presentar, ademáis da documentación anteriormente relacionada, unha declaración xurada das subvencións ou axudas obtidas doutras administracións públicas ou entidades públicas ou privadas, nacionais ou





## Concello de Lugo

extranjeiras, para a mesma finalidade segundo modelo normalizado. Non caso de non presentar a xustificación dentro deste prazo incoarase expediente de anulación do correspondente compromiso que conllevará a perda do dereito de cobro da subvención.

Aos efectos de xustificación as asociacións ou entidades beneficiarias deberán xustificar o gasto correspondente ao importe da subvención concedida.

De non ter xustificado o importe necesario a efectos do cobramento íntegro da subvención ou non aceptarse a totalidade dos gastos como gasto subvencionable minorarase o importe a percibir na contía necesaria se ben entenderase non cumplida a finalidade subvencionada e xa que logo a perda do dereito ao cobramento da subvención cando o importe xustificado non acade o 50% do importe concedido, sen prexuízo das sancións que procederan, no seu caso, dacordo a normativa reguladora das subvencións públicas.

A suma do conxunto das axudas solicitadas e/ou concedidas para o obxecto do convenio non poderá superar o 100% do custo da actividade a desenvolver. No caso de ter concedidas subvencións ou axudas doutras entidades públicas ou privadas para a mesma actividade os beneficiarios deberán xustificar como mínimo un importe igual ou superior á totalidade das axudas concedidas.

### **SETIMA.- Duración do convenio**

A duración deste convenio será dende a data da súa sinatura ata o 30 de decembro de 2020, sen posibilidade de prórroga. Non obstante, os seus efectos económicos retrotráense ao 1 xaneiro de 2020.

### **OITAVA.- Modificación do Convenio**

Toda alteración das condicións tidas en conta para a concesión desta axuda e, en todo caso, a obtención concorrente de subvencións ou axudas outorgadas por outras administracións ou entes públicos ou privados, nacionais ou internacionais, poderá dar lugar á modificación da contía da axuda contemplada neste convenio.

### **NOVENA.- Comisión do seguimento**

Constitúese unha comisión mixta de seguimento, control e avaliación á que serán sometidas tódalas cuestións derivadas do desenvolvemento deste convenio, así como a resolución de cantas dúbihdas poidan xurdir sobre o mesmo.



Esta comisión estará composta en representación do Concello de Lugo polo Ilmo. Tenente de Alcaldesa Delegado da Área de Desenvolvimento Local Sostible, que poderá delegar no funcionario da mesma unidade que estime oportuno, e pola outra parte, polo seu representante legal ou persoa da entidade na que delege.

A comisión terá as seguintes funcións:

- 1.-Facer o seguimento e control do cumprimento do convenio.
- 2.-Interpretar e resolver as dúbidas, que se poidan suscitar na aplicación do convenio.

#### DÉCIMA.- Causas de resolución

Serán causas de resolución deste convenio:

- . O incumplimiento de calquera das claúsulas establecidas no mesmo.
- . A aplicación dos fondos outorgados no convenio para fins distintos dos que motivaron a súa concesión.
- . A falta de xustificación do emprego das cantidades recibidas.



#### DÉCIMO PRIMEIRA.- Control financeiro da subvención


A Asociación Protectora de Gatos da Rúa Michos de Lugo **deberá conservar durante os catro anos seguintes ao de xustificación da subvencións** os documentos xustificativos da aplicación dos fondos, libros contables, rexistros dilixenciados e demás documentos debidamente auditados nos termos esixidos pola lexislación mercantil e sectorial aplicable ao beneficiario en cada caso co obxecto de facilitar as actuacións de comprobación e control que no ejercicio do control financeiro e segundo a planificación acordada pola Intervención Xeral municipal se decida levar a cabo, no seu caso. A tal efecto o beneficiario someterase ás actuacións de comprobación que a Intervención Xeral decida realizar.

#### DÉCIMO SEGUNDA.- Réxime xurídico

Este convenio ten carácter administrativo de acordo co disposto no artigo 47 da Lei 40/2015, de 1 de outubro, do réxime xurídico do sector público e o artigo 111 do Real decreto lexislativo 781/1986, de 18 de abril, polo que se aproba o texto refundido de disposicións legais vixentes en materia de réxime local, e demais



Concello de Lugo



normativa de aplicación, someténdose á aplicación da Lei 38/2003, de 17 de novembro, xeral de subvencións, á Lei 9/2007, de 13 de xuño, de subvencións de Galicia e ao disposto na Ordenanza xeral de subvencións do Concello de Lugo.

As lagoas ou diverxencias que puideran apreciarse na aplicación deste convenio interpretaranse e resloveranse motivadamente polo Concello de Lugo, previo dictame non vinculante da comisión á que fai referencia a claúsula novena; contra estas resolucións e polo carácter administrativo deste convenio, poderase interponer recurso ante a xurisdicción contencioso-administrativa.

En proba de conformidade os comparecentes asinan este documento por triplicado exemplar, no lugar e data indicados.

POLO CONCELLO DE LUGO  
A Tenente de Alcaldesa Delegada  
da ÁREA de Gobernanza:  
Economía e Recursos Humanos

Asdo: Mercedes Paula Alvarellos Fondo



POLA ENTIDADE BENEFICIARIA  
A representante legal



Asdo: Elvira A. Díaz Vizcaíno

